

痛史

第二
玉
二十
册
函

海上見聞錄卷一

鷺島道人夢菴輯

甲申崇禎十七年

三月北京陷崇禎亡。

清順治元年

五月十五日誠意伯劉孔昭、司禮監韓贊周等立福王諱由崧神宗之孫於南京。改元弘光。

兵部尙書史可法請督師。北鳳陽總督馬士英入專國政。封福建總兵鄭芝

龍南安伯。賜蟒衣。

乙酉順治二年 南京弘光元年

封鄭鴻逵爲靖虜伯。清兵破揚州。史可法死之。清兵五月渡江。弘光走至蕪湖。

降將劉良佐擒解豫王。總兵扼江鄭鴻逵、鄭彩、擁舟師不戰。走還閩。至浙。於江口

逢唐王。

諱事

鴻逵奉之至福州。巡撫張肯堂、巡按吳枝春、吏部黃道周、南安伯鄭芝

龍等會議監國。鴻逵固請正位。以閏六月十五日卽位。改元隆武。起曾櫻、何吾騶等、

入閣辦事。晉封芝龍平虜侯。尋封平國公。鴻逵爲定虜侯。尋封定國公。芝豹爲澄濟

伯。鄭彩爲永勝伯。以平國公長子森賜國姓。改名成功。封忠孝伯。賜姓以天啟甲

子七月十五日生於日本國。母顏氏。至七歲。遣人取回。有志讀書。聰敏不羣。年十五

補南安縣學廩生。封平國公部將施天福爲武毅伯。洪旭爲忠振伯。林習山爲忠

定伯。張進爲忠匡伯。陳輝爲忠靖伯。定國公部將陳豹爲忠勇伯。林察爲輔明侯。以

鄭鴻逵爲大元帥。出浙東。鄭彩爲副元帥。出江西。旣出關。疏言缺餉。逗留如故。於

是黃道周請募兵江西。隆武爲給空劄百函爲行資。爲清兵所獲。送南都不屈。與中

書賴雍、蔡繼俱死之。八月。隆武詔至粵。有靖江王者稱監國。不奉詔。總制丁魁楚、

巡撫瞿式耜、擒送至閩。斬之。原任山西僉事鄭之尹之子鄭遵謙、與張國維、陳函

輝、熊汝霖等迎魯王於台州。爲監國。駐紹興。遣都督陳謙奉書至閩。謙前齎南安伯

勅印與平國。因相善。平國邀之。及陛見。啟函。稱皇叔父。不稱陛下。隆武怒。御史錢邦芑密勸隆武殺之。夜半內傳行刑。倉卒不及救。平國痛憤甚。先是平國已密遣人通內院洪承疇。御史黃熙胤。至是又微聞監國錢塘信息。乃稱缺糧餉。檄守將施天福回。而閩兵無糧。逃散不守矣。

戊兩順治三年 海上稱隆武元年

三月。清貝勒王駐兵錢塘北岸。五月。江上兵潰。六月初一日。清兵渡江。江潮不至。方國安、馬士英欲獻監國爲投降計。遣人守監國。守者病。乃得脫。逃上海。船督師張國維、興國公王之仁、兵部陳函輝、大學士朱大典俱死之。方逢年、方國安俱投降。馬士英逃至台州小寺。清兵搜獲後。與方國安父子方逢年俱斬於延平城下。家眷給賜兵丁。阮大鍼既投降。過嶺自投崖死。仍命戮尸。將移關。守將陳秀、郭曦投降。而仙霞無一守兵矣。隆武於八月定計幸贛。未至。曬龍鳳衣。陳謙之子率數十騎追至。遂及於難。九月。清兵至泉州。芝龍退保安平鎮。貝勒令泉紳郭必昌招之。

芝龍以洪黃之信未通。未敢迎師。貝勒與之書。略曰。我所以重將軍者。以將軍能立唐藩也。且兩粵未平。今鑄閩粵總督印以相待。芝龍得書大喜。賜姓力諫不聽。十一月。芝龍至福州。見貝勒。置酒甚歡。夜半挾之北去。從者皆不得見。至京。封同安侯。
丁順治四年 是歲桂王卽位於肇慶。改元永曆。

初。芝龍撤兵。密諭賜姓欲與俱往。見貝勒。賜姓不從。定國陰令逸去。至是。率所部入海。芝豹獨奉母居安平鎮。鄭彩率舟師至舟山。迎監國魯王南下。魯王封鄭彩爲建威侯。尋晉建國公。其弟鄭聯爲定遠伯。尋晉侯。鄭彩及閣部熊汝霖進取福甯州。諸縣響應。遂入興化府。熊閣部鼓舞起義。諸起義者皆未給劄。兵至數萬。多烏合。鄭彩謀奪其權。雖與之結姻。忌之。乘舟遣兵攻其舟。并全家殺之。於是義兵憤怒解體。時義兵所在蠶起。汀邵並亂。據建甯。閩郵爲之阻。夏。京中命王大人、陳錦、佟國器、李率泰督兵至。破建甯屠之。所失州縣盡復。鄭彩至海壇。復爲鄉兵所敗。遂同魯王至廈門。時鄭聯亦糾合浦南橋義兵楊重等。攻入漳浦縣。以龔有楨爲縣令。然未幾

縣破。有楨被執不屈。被劓。鄭聯率義兵攻海澄縣。然見敵騎卽走。爭舟墜水死者甚多。平和縣曾慶等與詔安等處義兵。立德化王慈燁。據將軍寨。陷大昌。攻順昌。將樂。皆爲清兵所敗。隆武之亡。舊相蘇觀生。何吾騶。遁回廣東。與布政使顧元敬。於十一月立隆武之弟聿錫爲監國。年號紹武。十二月。清總兵李成棟率兵襲廣城。副將杜永和襲紹武。并周王。益王。遼王等。盡殺之。蘇觀生從死。吾騶。元敬。皆降。福省旣陷。兩廣總督丁魁楚。與廣西巡撫瞿式耜。會議監國。式耜首言永明王諱由賢。且爲神宗嫡孫。應立。乃桂王之子。初封衡陽。以寇亂徙梧州。會桂王薨。以縗絰中於十月十四日監國。改元永曆。以肇慶府署爲行宮。以魁楚。呂大器。爲大學士。以式耜爲吏部侍郎。兼閣學。掌誣事。封總兵陳邦傳爲思恩侯。尋晉慶國公。後廣西破。投誠率兵追永西。遙奉年號。自稱招討大元帥。罪臣有衆三百人。於廈門之鼓浪嶼訓練。委黃愷於安平鎮措餉。識者知其可與有爲。於是平國舊將咸歸心焉。卽以洪政。陳輝。爲左右

先鋒楊才、張進爲親丁鎮。郭泰、余寬爲左右鎮。林習山爲樓船鎮。進兵攻海澄。繫祖山頭數日。援兵至。洪政中流矢。與監軍楊期潢俱死之。遂退兵入粵。會定國公進攻泉州。列營於桃花山。清提督趙國祚率數百騎衝營。張進、楊才迎戰。定國遣林順夾攻。大破之。別遣水兵破溜石礮城。斬參將解應龍。軍聲大振。泉紳郭必昌之子顯欲爲內應。國祚知而斬之。滅其家。并擊故相黃景昉等。國祚酷虐。泉民不敢喘息。至漳州。副將王進遣兵來援。圍解。

戊子順治五年 海上稱永歷二年

閏三月。賜姓攻同安。清守將廉印與知縣張效齡俱遁。遂取之。七月。陳佟、李援師至。遂攻同安城。八月。城陷。鎮將邱晉、林壯猷全軍盡沒。知縣葉翼雲、教諭陳鼎死之。屠其城。殺五萬餘人。同安血流溝之讖應焉。先是同安諸生陳姓者。綽號泥鰍。回至羅漢山中。所稱生閻羅者。授以片紙云。泥鰍死半途。同安血流溝。嘉禾斷人種。安平成平埔。陳生果至小盈嶺而死。是後凡獲滿兵。輒斷掌放回以應之。然後來安海

城竟拆毀。而廈門竟遷空無人。歷一紀云。是歲大飢。賜姓及建國公鄭彩各發兵民船至高州羅米。爲思恩侯陳邦傳所轄。賜姓船免餉。餘照丈尺徵糧。船有千餘。多是民船。閩中斗米近千錢。時海上藩鎮分駐於各島。監國魯王別將平夷伯周鶴之、閩安侯周瑞、定西伯張名振、總兵阮美等守舟山至沙埕。鄭彩、鄭聯等守廈門。令定國公鄭鴻逵守平安之白沙。使其將陳豹守南澳。賜姓駐廈門。以親丁三百人遣其故錦衣衛鄭芝鵬護家眷。使張進守銅山所。太子太師鄭香守澄海之石尾。有衆數千人。後爲清兵所破。二子鄭廣、鄭海死焉。然糧餉缺乏。取之民間。而鄭彩營將章雲飛等擾民尤甚。定國公遂率舟師至潮州。隨地取餉。

己順治六年 海上稱永歷三年

廣東提督李成棟反正。迎永歷。於是永歷有船使令。以爲恢復在卽。詔各勳鎮考試諸生赴廣省進場。賜姓遂送考生員葉后詔、洪初關等十餘人。同黃志高費本赴行在。舟至潮陽。遭風飄壞。餘人不能達。獨黃志高至粵。詔以志高爲兵部職方司主事。

使監賜姓軍。命以舟師進取南都。其後賜姓入長江。承此詔旨也。詔使并賈秦王孫可望告示一張。其文云。秦王告諭天下。中間敍湖廣殺敬謹王、四川殺八固王之捷。入滇擒逆黔父子云云。又檄文一冊。中有云恢復兩京者。准封公。一省者。封爲侯。四府以上者。封爲伯。今無尺土之功。而擅封五等之爵云云。又有定西王李定國告示一張。其文云。西甯王奉秦王令旨。中間敍破廣西、定南王孔有德焚死之捷云云。清鎮守漳浦副將王起倭密赴軍門納款。謀洩。棄家。由龜鎮至銅山投見。賜姓授以都督同知。掛統練將軍印。令管北標將。十月。賜姓舟進雲霄港。由白塔登岸。分道並進。雲霄港守將張國貴迎戰。爲左先鋒部下副將施顯敗死。進軍攻城。中軍姚國泰拒守。城破。國泰身被重傷。獲之。令醫治。送軍前收用。遂進攻詔安。紫營龍峯磁竈等處。令中衝鎮柯宸樞、援剿左鎮黃廷、右衝鎮洪習山等守盤陀嶺。以遏漳援。漳鎮王邦俊、副將王之剛等。弔集各縣守兵。合攻盤陀嶺。是日大霧。諸軍各不相顧。柯宸樞同其弟中軍宸梅俱戰死。十一月。賜姓解詔安圍。督兵由分水關入潮州。抵黃崗。

時潮屬多土豪擁據。三吳壩有吳大奇。黃岡有黃海如。南洋有許龍。澄海有楊廣。海山有朱堯。潮陽有張禮。碣石有蘇利等。時武毅伯施天福同黃海如說成功取潮陽。資其富饒。且近海口。有海門所達濠浦。可以泊舟。通運糧米。但須由南海蠶灣過達濠浦。方可至縣。恐許龍、張禮爲鯁耳。成功遂令移兵南洋。許龍迎戰敗走。漢陽舊將陳斌來歸。授後勁鎮。楊廣、朱堯等降。遂移兵蠶灣。張禮拒敵。立破其兩寨。禮乞降。令援剿右鎮黃山督諸軍駐靖海衛。攻南山寨破之。成功遂於揭陽會定國公。帶張禮往見。定國公夜沉之於水。成功悔之。成功卽賜姓

庚寅順治七年 海上稱永歷四年

先是清兵破湘潭。何騰蛟被殺。破南昌。金聲桓赴水死。二月。破信豐。李成棟沒於陣。永歷皆追贈王爵。拔淚親祭。及報南雄不守。遂移德慶抵梧州。榕江兵潰。桂林陷。瞿式耜、張同敞死之。三月。成功至潮陽。知縣常鳳出迎。令洪旭駐鎮。楊才攻破平和縣。屠之。陳斌破獅頭寨。寨主黃亮采降。楊才病故。林勇代爲右先鋒。征蘇利陣亡。

四月移兵揭陽。定國公言新虛寨不服。攻之。用龍煩擊入其城。遂降。先是海中放光。定國令人沒水求之。得大礮夾兩龍爲耳。用船車出之。號龍煩。所擊無不催破。後國軒用以攻泉城。火引不發。鞭之。口遂裂。城竟不破。潮州守將郝尙文引馬步數千來援。成功令其下迎敵。陳斌躍馬入陣。獲其中軍陳祿。衆兵繼進追殺。尙文僅以身免。五月詔安九甲義將萬禮來附。六月遣兵攻蘇利不克。蘇利據碣石衛。後平南王發兵討之。被殺。成功議攻潮州。陳斌進曰。潮郡東西環溪。只一浮橋通漳大路。必須斷橋以絕援兵。然後移紮西南攻圍。從之。尙文出兵戰敗。浮橋石橋一齊焚燬。進兵三面攻擊。漳州援兵至。久攻不下。會暑。士卒多病。乃退兵潮陽。黃亮采復叛。攻行營。甘輝迎擊。斬其父子。兵始散去。成功殺定遠侯鄭聯。并其軍。建國公鄭彩逃於南海。將佐多降。十一月成功至潮陽。提塘黃文自行在來報。稱有旨詔成功入援。時平南王、靖南王率滿漢兵數萬來。攻復廣州。西甯王望海兵救援甚切。閏十一月成功令各鎮兵在船聽令。南下勤王。時陳斌與施琅不睦。遂逃。

據潮州投誠。黃海如在達豪浦欲叛。令林習山致之死。十二月。成功抵揭陽。與定國公議欲南下。定國回廈門。

辛卯順治八年 海上稱永歷五年

正月。成功至南海。以蘇懋爲左先鋒。代施琅。至白沙河。颶風大作。至天星所。殺退思訓援兵。攻其城。下之。閩撫張學聖。同提督馬得功。集各處民兵及船攻廈門。鄭芝鵬怯懦。載輜重下船。得功將數十騎飄至五通。遂登岸。阮引不戰而逃。百姓哭聲振天。成功董夫人倉皇落水。有居民負之登舟。是夜亂兵焚燬店舍。火光燭天。前大學士曾櫻在城中。家人掖之出城。公不從。夜自縊。公之門人阮旻錫聞之。與僧文台。及同門陳泰。共議。天未明。文台以僧龕擡公屍至僧厓灣下船。付其家人。鄉之紳士副憲王公忠孝。以己所置壽棺斂之。而前司馬盧若騰。副院沈佺期。樞部諸葛倬等。皆視斂。後兵部主事劉玉龍。疏輔臣從容就義事。奉旨。曾櫻身死經常。允宜優卹。追贈光祿大夫。上柱國太師。諡文忠。賜祭葬。蔭一子中書舍人。一子錦衣衛百戶。世襲其

門人知縣陳泰冒險負屍。積勞殞歿。著贈鴻臚寺少卿。三月初一日。清撫院張學聖同興泉縣黃澍渡海。見島嶼孤懸。波濤環繞。驚爲絕地。卽先引回。令知縣張效齡安撫居民。初四日。馬得功行牌於各鄉居民。意欲據守。初八日。會定國公舟師至。截港圍之。命鎮將楊抒素登圓管港與戰。互有勝負。副將吳穀戰死。施琅率陳璘、鄭文星百餘人登廈門港與戰。敗之。得功幾爲所及。於是得功求過海。張撫院差人至安平。挾平國太夫人。囑定國公以船載馬得功三百餘騎及餘兵盡回。先是定國公差都督鄭德翼將周全斌等到天星所。報稱馬得功陷島。請賜姓回師。乃於四月初一日到浯嶼。得功已渡海二日矣。賜姓怒甚。不許諸親與定國相見。定國移紮於白沙。初十日。賜姓駐廈門港。議失守功罪。先賞施琅花紅銀二百兩。陳璘銀一百兩。斬鄭芝鵬及阮引等以徇衆。何德綱責藍登免罪。軍士皆踴躍歡呼。銳氣百倍。以家在島上。人口遭其搶掠。得洩其憤故耳。命忠振伯洪旭管理中。右參軍潘庚鍾追鄉紳助餉銀。潘爲之加派。搜掠一空。詔安、平和、二縣俱復。定西侯張名振、平

夷侯周崔之、英毅伯阮駿等、自舟山來歸。俱授水師鎮。海澄守將郝文興密約納降。

壬辰順治九年 海上稱永歷六年

正月初二日。賜姓督師至海澄港。潮大漲。直至中權關下。郝文興開城率將士出降。授前鋒鎮。掛印。以參軍黃維璟知縣事。初十日。進兵江東。遣各鎮攻長泰縣。至溪西。擊敗漳城援兵。二十三日。援兵至。復敗之。二月初二日。游兵營吳世珍奮勇登城。被礮擊死。賜姓令火器營何明鑿地道。用地雷以擊其城。三月初三日。報總督部院陳錦、督馬步兵數萬來援。已紮同安縣。初十日。地雷發。不及城而止。是日遂移兵九江東。陳錦安營於牛蹄山。相去五里。十三日。親來衝營。賜姓率衆將迎擊之。陳錦大敗。棄營盤而走。全軍俱覆。失衣甲馬匹輜重。不可勝計。遂奔回。紮營於同安城外。被其家丁厓成棟所刺來歸。賜姓賞其功。以其弑主。陰令殺之。長泰縣清守將楊青棄城而走。以參軍馮澄世知縣事。以甘輝爲中提督。黃廷爲前提督。黃

山爲後提督。

四月。進圍漳州。賜姓紮南院。

五月。清浙鎮馬進寶

號金衛馬

率兵來援。

縱其入城。復同王邦俊從東門出戰。敗回。遂櫻城固守。而不敢出。諸軍攻圍數月不

下。時張名振以地方事。陞萬禮爲前衝鎮。副將陳朝爲右衝鎮。賜姓移師金門後

浦。紮營操練。施琅前在南澳。兵付蘇茂代將。意回日必復任。賜姓不與。遂請爲僧。賜

姓諭令以舟募兵。許授前鋒鎮。偶有親兵逃亡。賜姓拔爲親隨。琅將曾德捉回立斬

之。賜姓怒而不發。二十日。傳令諸將在船聽令。遂令右先鋒黃廷執施琅及忠定

伯林習山。拘在船中。令副將吳芳看守。琅家人著人假稱賜姓令箭。弔回審究。吳芳

卽同登岸。至草灣。琅卽將吳芳及押人打倒脫走。逃於山穴中。兩日夜。往投蘇茂。茂

密以小舟載之渡海。依澄濟伯。賜姓怒甚。欲斬林習山。未果。殺吳芳妻子。令芳跟尋。

二十一日。殺施琅之父及其弟顯。以戎旂中協林勝爲援剿左鎮。二十口日。賜

姓督兵入漳州地方。二十七日。大破漳鎮王邦俊兵於磁竈。六月。回師。舊將黃

興來歸。授中權鎮。黃梧來歸。授副將。以監督陳六御爲北鎮營騎兵。九月。賜姓督

師入漳浦地方。王邦俊來援。復大破之。追至龍井。降其將卒數百人而還。李長病退。以黃昌爲戎旂鎮親隨營。十一月。清提督楊名高自福州率步騎來漳應援。賜姓逆之於小盈嶺。大破之。追至馬厝港。名高僅以身免。騎兵營楊祖爲首功。掛印陞營爲鎮。十二月。舊將陳堯策前投清。同清將協守漳浦。至是獻地納降。以爲護軍前鎮。照舊鎮守。以參軍林其昌知縣事。議築鎮門象鼻山。截溪流不得入海。欲以灌城。而奔流迅急。堤不得合。費工甚鉅。罷之。賜姓不攻城。築長圍困之。使其糧盡自降。而城中兵盡括鄉紳富室百姓之粟。城中食盡。民相枕籍餓死。甚至殺人爲食。至有婦人羣聚擊男子而分食其肉者。毋論鼠雀及樹根木葉水萍紙皮之屬。盡食之。稀粥一碗。價值四金。自四月至十月。城中死者十八九。後清署守道周亮功收髑髏。凡七十三萬有奇。焚埋於東門外。名之曰同歸所。築庵其上。勒石記之。城外死者骸骨無數。不與焉。五月。福省集水師數百隻來攻廈門。賜姓令陳輝督水師禦之。遇於崇武所。清舟師敗績。棄船登岸而走。九月。清總兵固山金勵領浙直八旂滿漢

兵共萬餘。入閩來援。至泉州。駐紮養馬。二十六日。賜姓解圍退紮右縣。據險以待。固山由長泰縣入漳。十月初二日。固山率滿騎來衝營。是早西北風盛發。火箭火礮皆被風打回。對面昏黑。滿兵乘烟衝突。諸將潰散。賜姓退紮海澄。後提督黃山、禮武鎮陳俸、右先鋒廖敬、親丁鎮郭廷、護衛右鎮洪承寵、皆戰歿。

已癸順治十年 海上稱永歷七年

二月。賜姓駐廈門。遣前軍定西侯張名振等率水軍恢復浙直州縣。并遣忠靖伯陳輝等齊入長江。四月。金固山弔集水陸官兵船隻。欲攻海澄。賜姓遣水師左軍林察、右軍周瑞、後軍周崔之、阮駿、黃大振等。前往堵截。後遇颶風。飄入興化港。被獲。至鄭賈來議撫。始放回。二十八日。金固山紮營楓山頭。五月初一日。賜姓至海澄。錮兵守禦。以前鋒鎮郝文興、戎旗鎮王秀奇、護衛前鎮陳堯策、守鎮遠寨。前鎮衛萬禮幫鎮遠寨。又以前提督黃廷、中提督甘輝、守關王廟前木柵。連接振遠樓。賜姓駐紮天妃宮。親行督戰。初四日。金固山率步騎數萬。紮營天妃宮前。安大小銃礮數